

¡BOMBA!

El clima es el contexto:
hay destrozos, eso es claro;
pero eso no es pretexto
contra reforma de amparo



K'intsil

Lunes 13 de octubre de 2025

CAMPECHE · YUCATÁN · QUINTANA ROO · AÑO 11 · NÚMERO 2583 · www.lajornadamaya.mx

Israele' ku ka' jets'ik leti' máax béeychaj yóok'ol Hamás, jump'íit antes u cha'abal máaxo'ob k'ala'antak

Efe / p 29
Oochel Ap



Le domingo máanika' Israele' tu k'a'aytaj leti' bin náajalnaj ti' ba'ateltáambal tu táan Hamás, ma'ili' cha'abak máaxo'ob k'ala'antak, tukulta'an u beeta'al le lunes máanika', tu jo'olaj ka'ap'ee'el ja'abo'ob ma'achako'ob Gaza, jump'ee'el ba'al jach k'a'anan ti'al tuukul meyaj táan u péektsiltik Donald Trump.

U jala'achil Estados Unidose' yaan u xiimbaltik Israel le lunes je'ela', ts'o'okole' yaan u

múul jo'olbesik yéetel egiptoil jala'ach Abdel Fatah al Sisi, u noj múuch'tambalil yóok'olal jets'oolal, tu noj lu'umil Gaza, tu kúuchil Sharm el Sheij, tu lu'umil Egipto.

Mokt'aan ch'a'aban ti'al u yantal jets'oolal ichil Israel yéetel Hamásé', káaj u chiimpol'ta'al le viernes máanika', ts'o'okole' tukulta'an u béeytal u k'e'exel u ts'ook israeilo'ob láayli' p'aatalo'ob Gaza -20e' láayli' kuxa'antak yéetel 28 kimenobi-

tu jeel óoli' 2 mil palestinoilo'ob k'ala'anta'ak ti' israelil carcelo'ob, ichil le je'elo'obo' 250 máako'ob k'ala'an yóok'olal "seguridad nacional".

Máaxo'ob k'extáantik le ba'alo'oba' láayli' táan u ts'o'ok beetik u t'aanil ti'al u béeytal, ts'o'oke' a'alab xane' islamistailo'obe' láayli' u k'áat u táakbes uktúul k'a'anan palestinoil dirigentes k'ala'an Israel ichil le k'e'exil je'elo'.

Yáax ministro israelil,

Benjamin Netanyahu, tu ya'alaj le domingo máanika', ti' tse'ek tu beetaje', u lu'umil bine' tu béeykunsaj "k'a'anan ba'alo'ob" ti' ba'ateltáambal tu táan Hamás, tu lu'umil Gaza, ba'ale' kex beyo' tu ya'alaj "ma' ts'oka'an ba'ateli'".

Netanyahue' t'aanaj jump'íit antes u yila'al u suut máaxo'ob k'ala'antak Gaza desde u k'iinil 7 ti' octubre ti' u ja'abil 2023, k'iin káaj ba'ateltáambal.